

XC Lanz Carnival Group ta presenta:

Baluartes di nos Carnaval

ORANJESTAD- Den cuadro di e celebracion di 60 aña di Carnaval, XC Lanz Carnival Group kier rindi homenahe na nos baluartes di Carnaval. Esaki XCLanz ta logrando door di a invita e lidernan di e grupo y organisacionnan aki ta participa den e paradanan di Carnaval 2014, pero den e forma con nan a haci tempo di nan tempo. Y esaki lo trece, simbolicamente, un toke di e ambiente di e carnaval di pasado. Sr. Bibi Arends ta amplia mas riba esaki Carnaval den forma di Social



Cooperativo. Ta trata di bin cu gruponan di antaño, pues gruponan cu den pasado tabata den nan gloria. Por menciona Caribe Club, Tivoli Club, Shell, Sidonia, Savaneta y ainda lo

por tin mas. Adicional, Sr. Bibi Arends kier a haci un yamada na tur carnavalistanan cu den pasado a yega di participa y of simpatisa den e gruponan aki. Basicamente ta papia di un parada di seccion.

Cada un di e gruponan aki, tin nan seccion. Cada grupo lo refleha nan tempo di gloria den nan tempo. Den totalidad lo presenta un grupo, den e carnaval di e aña aki, cu lo bira un flashback di e Car-

naval di antaño. Den tur sentido, ya cu hasta e musica lo ta di e temponan ey. Ta haciendo esfuerço ainda pa logra participacion di dos grupo ainda. Hopi di e gruponan aki, no tin e fondonan necesario pa presenta un grupo den forma di e carnaval di awendia, cu ta asina costoso. Tur e gruponan aki, ta trahando ariba fondonan propio. Cada seccion lo consisti di entre 10 persona minimo te cu 30 persona maximo.

PARADANAN

E paradanan unda cu nan lo participa lo ta Lighting Parade, y e dos Parada grandinan. E parti mas dificil pa e gruponan aki, ta pa busca participante. Segun Sr. Bibi Arends, ta dificil pa saca e generacion nobo di Tivoli Club of Club Caribe, pa saca nan for di Champagne of T.O.B. P'esey ta enfoca mas riba e generacion un poco mas grandi cu esakinan. XCLanz Carnival Group ta spera hopi reaccion di e carnavalistanan veterano cu por probecha di e oportunidad unico aki pa haci un "come back" den e di 60 celebracion di nos dushi Carnaval.

RECUESTO DEN CADA SECCION

Manera Sr. Arends a splica, den temponan di gloria di e gruponan aki, nan a yega di bay na Out of Space, Romanonan, Cleopatra, na Chines y Underwater Fantasy e.o. Lo purba di trece e esfera di antes tambe den e grupo. Steelband y Brassband, pero ta dificil pa un brassband ya cu e zonido di e bandanan lo surpasa e brassband.

XC- Lanz Carnival Group ta spera riba e apoyo di e pueblo di Aruba y e carnavalistanan veterano pa asina hunto engrandece Carnaval 60. □

